

## **De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

14 Quando vxor peccet mortiferè, capiendo & donando ex bonis mariti, vel quorum ille habet administrationem, & quando non.

---

[urn:nbn:de:hbz:466:1-72459](#)

78 ab hac restitutione. Et quamvis donatio patris facta filio non valeat, nisi in certis casibus, ut infra cap. 18. dubit. 12. dicetur, tamen morte confirmatur, nisi excedat eam summam, de qua parentis potest disponere. Vide Nauarrum cap. 17. num. 158.

79 Non peccat accipiendo, vel certe non mortiferè. Primo, Si quantitas pro conditione status & personarum non censeatur iudicio prudentium notabilis.

Secundo, Si putes parentem rogatum, facile concessurum; tunc enim non viderur iniutus circa substantiam accessionis, sed tantum circa modum, vt dictum est dubitat. 8. num. 49.

Tertio, Si dum versatur in studijs, vel extra domum paternam, expendat more aliorum sua conditionis, in eleemosynas, ludum, & honestas recreations: prasumitur enim parentis id permettere, nisi constet de contraria voluntate, Nauarrus num. 157.

80 Quartò, Si in extrema vel etiam graui necessitate proximi surripiat ad eleemosynam; tunc enim parentis non potest esse cum ratione iniutus, quia ipsomet tenuerit dare.

Quinto, Si accipiat ex bonis suis castrenisibus vel quasi castrenisibus, nempe ex partis occasione militiae, vel officij publici, vel beneficij, &c. quia haec non pertinent ad patrem, nec pater nullum ius in his habet, sed ipsis filius est in his velut paterfamilias, vt ostensum est cap. 4. dubit. 3.

Sexto, Si parentis sibi vindicet bona castrensis, vel quasi castrensis filii, ultra id quod expendit in eius alimenta, filius potest tantumdem reperire, quod si non audeat, potest occulte vti compensatione, vel repeteret a coheredibus. Quod valde notandum confessarijs, ne facilè cogant filium ad restitutionem, cuius fructus beneficij percipiuntur à parente.

Septimo, Si parentis sit haeticus, bona aduentitia filii, in quibus ille habebat usumfructum, redeunt ad filium, & usumfructus consolidatur cum proprietate, vt pater ex dictis cap. 3. dubit. 5. vnde filius potest ea sibi vindicare. quod si non audeat, vel non posset, potest occulta compensatione ex alijs bonis paternis sibi consulere.

81 Octavo, Si filius gerit negotia patris, potest, deductis expensis, quas pater facit in illo alendo, pro suo labore & industria tantumdem accipere, quantum daretur extraneo; nisi intendat facere gratias. Ita Nauarrus cap. 17. num. 144. Angelus v. Peculium, num. 11. & alij.

Hic tamen sunt tria necessaria, Primò, vt filius protestetur se velle licari: qui enim negotium alterius gerere petit mercedem, debet id explicare, si potest: maximè quando alter est praesens: nam hic forte nolet, rebusque suis alter cōsulet, quod si ob reuerentiam paternam non audeat, non est necessarium; quia parentis non potest tunc id iure agere ferre. Secundo, vt constet parentem non facturum per se, neque intenturum alium, qui gratis vel minoris faciat. Tertio, vt usumfructum istius lucri non sibi vendicer ante mortem patris, vel suam emancipationem; quia pertinet ad parentem. censetur enim hoc lucrum in bonis aduentitijs, vt dictum est cap. 4. dub. 3..

Dices, Filius iure naturali tenetur seruire parenti sine stipendio: ergo.

Repf. Negando antecedens; nisi pater egeat,

vel nisi alij filij etiam lucentur patri. nulla enim aequitas dictat, vt ipse teneatur sine stipendio laborare, alijs oriantibus.

#### DUBITATIO XIV.

Quando vxor peccet mortiferè, capiendo & donando ex bonis mariti, vel quorum ille habet administrationem, & quando non.

R Esondeo, Mortiferè peccat, si summam notabilem ex bonis mariti, vel quorum administratione ipsius est, ipso cum ratione iniuto, accipiat. Ratio est; quia accipit illud, cuius dominium vel certe administratione & usumfructus est alterius. Itaque tenetur ad restitutionem, etiam si ex dote, vel ex bonis communib[us] accepit: quia etiam si tota pars communium bonorum ad ipsam pertinet, quod ad proprietatem attinet; tamen administratio & dimidia pars emolumētorum sunt mariti, quibus inique illum privat. Secūs de pupillo, qui clām surripit à tutori: quia tutor non administrat bona pupilli in suum commodum, sicut maritus bona vxoris. si tamen putaretur maritus non utiliter administratus, non teneretur tunc quidem: sed soluto matrimonio debet adducere in partitionem cum hereditibus mariti, quantum subtraxit, dimidium eius sibi detrahendo. Idem faciendum in alijs casibus, quando non habet viride restituit.

Hinc pater, non esse verum, quod ait Paludanus in 4. dist. 15. quæst. 3. art. 6. vxorem ex facultatis communibus posse facere eleemosynas, quantum rediret ad eam vel ad liberos, eius nomine, soluto matrimonio. sic enim totam suam partem possit dare, & priuare maritum eius administratione: vide Nauarrum cap. 17. num. 155.

§. Ad tertium.

Non peccat mortiferè, Primò, Si quantitas iudicio prudentis, spectato statu, opibus, & ceteris, non sit notabilis.

Secundo, Si maritus rogatus concederet.

Tertio, Si det in extrema vel graui necessitate proximi: in extrema enim quisque tenuerit ex eo quod supererit naturæ; in graui, ex eo quod statui.

Quarto, Si det ex suis, quorum habet liberam administrationem, vt ex paraphernis, vel ex luxurie sua industria; (præterim si attulit dorem sufficientem ad se alendum) vt docent Nauarrus, Silvester & alij: quod intellige iure communī Cæsareo; nam quibusdam locis hæc lucra censentur communia.

Quinto, Potest facere donationes & eleemosynas secundum consuetudinem aliarum sua conditionis mulierum. quod si maritus vetet, videtur vetare excessum. Ita passim DD. Paludanus supra, Silvester v. Eleemosyna, quæst. 5. Angelus ibid. nu. 7. & alij. Si tamen constet illum omnino 85 vetare, Nauarrus & alij quidam dicunt, illum non potest vtè possit quidquam dare. Sed contrarium est verius, præterito quod etiam tener Molina disputat. 274. & Petrus colligitur ex ratione, confuetudinis in donationibus, quā Silvester, Angelus, Paludanus, & alij DD. adferunt; quia confuetudo tribuit ius, non secūs ac priuilegium vel lex; quo iure maritus illum priuare nequit: prasertim cum Ius postiuum magnam

vim habeat circa bonorum administrationem, vt  
eam vel restringat marito, vel laxet.

Confirmatur Primo; quia vir tenetur vxori pre-  
stare decentem sustentationem, specata eius con-  
ditione, sive que opibus atque in hac sustentatione  
continetur non solum vietus, vestitus, ornamen-  
ta, & famulatus, sed etiam alia, quae feminæ simili-  
s conditionis, illis locis habere & facere conve-  
nient, ad recreaciones, eleemosynas & largitio-  
nes, ergo tenetur ei hoc concedere. Secundo, quia  
vxor non est mancipium viri, sed socia, habens  
etiam auctoritatem administrationis, et si sub viro,  
ne quid inordinatae aut profuse faciat: ergo non  
potest ei maritus omnes donationes prohibere.

Sexto, Potest dare ad impediendū damnum ma-  
riti, sive temporale, sicut fecit Abigail 1. Reg. 25.  
(hoc enim damnum redundant in vxore;) sive  
spirituale, largiendo eleemosynas, ne Deus illum  
ob flagitia puniat, vel ut conuerteret, ut docent An-  
gelus, Silvester supra, Nauarr. n. 154. & alij. hic  
enim utilissime gerit negotium mariti, nec ipse  
potest cum ratione esse iniutus.

Septimo, Si pro rebus familiae vel sibi necessa-  
riis accipiat, vt pro vestibus, pro vietū, pro medi-  
camentis: quia maritus non potest iuste recusare.

Octavo, Si maritus est amens vel fatuus; tunc  
enim administratio ad illam deuolutur, nisi aliter  
à Magistratu sit prouisiūm.

86 Nonò, Si maritus est absens; nam tunc etiam  
pertinet ad eam administratio, nisi aliud à marito  
sit prescriptum. Nauarrus tamen putat eam in his  
duobus casibus non posse amplius dare, quam  
maritus praesens, vel compos mentis solitus erat.  
Sed verius est, eam posse dare, prout ratio dicta-  
bit: quia potest secundum suam prudentiam ad-  
ministrare, vnde alij DD. non addunt eam limita-  
tionem, vt Paludanus, Silvester, Angelus.

87 Decimo, Si maritus est dissipator, rem commu-  
nem in coporationes, largas donationes, vel  
mulieres profundens. tunc enim facit vxori iniuri-  
am, partem ipsius sine ipsius consensu profun-  
dens, nam dimidia pars bonorum in matrimonio  
acquisitorum, est vxoris, & dos tota. vnde soluto  
matrimonio, tenetur maritus vel eius heredes ad  
restitutionem vxori vel eius heredibus, quare si  
vxor difficultates metuit, potest occulte vt compensatione,  
acciendi ex bonis mariti vt sibi vel  
liberis consulat, quantum opus est, vt sua pars sal-  
ua sit. vt recte docet Petrus Nauar. l. 3. c. 1. n. 114.  
contra Nauarrum cap. 17. n. 155. qui putat mari-  
tum non teneri ad restitutionem, si male impen-  
dat ex lucris communib[us]. Ratio ipsius est; quia  
non consentur lucra, nisi qua tempore diuortij  
inueniuntur. Sed haec ratio non est vera. Primo,  
Nam vxor reuerā acquirit dominium & posses-  
sionem istorum lucrorum, simulatque percipiuntur,  
sicut in omni societate, singuli socii acquirent  
dominium & possessionem totius lucri ab initio,  
quo illud cedit societati, eti partialiter. Neque  
maritus quidquam habet amplius, quam ius  
administrandi in suum & vxoris commodum.  
Debet autem haec administratio fieri secundum  
dictamen rationis; sicut & omnium bonorum  
communium: alioquin non est administratio, sed  
dissipatio, quae non debet obesse socia, sed soli  
auctori. Secundo, Quia alioquin maritus, si face-  
ret notabiles donationes absque consensu vxoris,  
non teneretur computare in suam partem; (quod

tamen Nauarrus negat, affirmans eum teneri)  
nam daret de ijs, quæ nondum cesserant in ratio-  
nem lucrorum communium.

Aduerte tamen, Si maritus Iudo perdidit, 88  
damnum censerit commune; quia ludus est con-  
tractus fortuitus, quo potuit perdere & lucrari. *Si Iudo  
perdidit.*  
vnde cōmunia h[ic] esse debent & lucra & dispen-  
dia, sicut & in alijs contractibus. Nisi forte ordi-  
nari amitteret, & vxor nollet consentire; non  
enim tenetur, cum videatur esse dissipatio, rem  
suam ita periculo exponere.

Vnde cinquiescens, Si pater vel mater vxoris sint pa-  
peres, ita vt miserè secundum statum suum vi-  
uant: tunc enim si maritus nolit illis succurrere,  
potest vxor ex bonis communib[us] vel ex sua dote  
subterahere, vt illis det. Idem dicendum, si habeat  
proles ex alio matrimonio, quae similiter egant.  
Ita Petrus Nauarr. num. 159. & Cordub. qu. 125.  
Ratio est; quia Iure naturæ tenetur iustis succurre-  
re, si potest; & isti ius habent alimenta ab ea peren-  
di. vnde maritus non potest iure id iniquè ferre.  
Tenetur tamen vxor h[ic] omnia, quae sic dederit,  
referre in suam partem, cum ad partitionem cum  
heredibus viri ventum erit.

Probabile tamen est, quod docet Molina dif-  
put. 274. Si matrimonium fuit celebratum contra-  
ctu medietatis bonorum, posse huiusmodi ne-  
cessitatē succurri ex bonis communib[us]: ita vt  
vxor non tenetur id in suam partem referre. Si  
militer si matrimonium sit celebratum contractu  
arrarum & dotis; (vt solet Iure communii) & ex-  
tent aliqua lucra communia; posse de his lucris  
sumi, vt onus in utrumque recumbat. Idem dic-  
endum de marito, si in suos donationes fecerit.

89 Duodecim, Si frater vel soror vxoris simili  
paupertate conficitur, probabile est, vxorem  
posse illis simili ratione succurrere. Ita Petrus  
Nauarr. n. 61. Probatur; quia maritus Iure com-  
muni tenetur fratribus suis subuenire, (vt docent  
communiter DD. cum Glossa in L. Qui filium 4.  
π. Vbi pupillus educari debeat) cur vxor id non  
posset? Confirmatur ex L. Mutus. 73. §. 1. π. De  
Iure dotum: *Manente matris nonio, non perditure  
uxori ob has causas dos reddi potest: ut se suoque  
alat, vt fundum idoneum erat, vt in exilium vel in  
insulam relegato parenti praefet almonia, aut ut  
egentem virum, fratrem, sororemve sustineat.*

#### DVBITATIO XV.

*Utrum si res furtiva pereat, fur tenea-  
tur ad restitutionem.*

R Espondeo & Dico Primo, Si res furto vel  
aliter iniquè parta, casu pereat, nihilominus *Ei si causa*  
is qui sustulit, tenetur ad pretij restitutionem, si *pereat, se-*  
non putetur similiiter peritura fuisse apud domi-  
num. Est communis DD. D. Thomæ q. 62. art. 6.  
Cotarr. ad regulam Peccatum p. 2. §. 6. num. 1. &  
aliorum. Probatur Primo, quia qui eam iniuste  
acepit, non solum obligatur ratione rei acceptæ,  
sed etiam ratione iniusta acceptio[nis]. ergo siue res  
exet, siue non, tenetur sarcire damnum. Confe-  
quentia patet; quia iniusta acceptio[nis] est causa in-  
teritus; nam credibile est, si non accepisset, non  
perituram: ergo, &c. Secundo, qui iniuste detinet,  
semper est in mora: ei autem qui est in mora, et  
iam casus fortuitus imputatur, vt patet ex cap. 68.  
Deci-

*Lucra fa-  
tim fusi  
communia.*